



O se vaaiga i le tama'ita'i a'oga i Tafuna High School, Falelua Alefaio Fotu, vasega 12, ua ia fa'aalia le ata o le ali'i Loia na o'o ina aveva ma Fa'amasino, ao ia o se tagata e tupuga mai tagata Aferika. O lo'o ua fiafia tele o ia, aua e sapaia e si ona tama, Pr Alefaio Fotu, ana taumafaiga.

[ata: Leua Aiono Frost]

# Asiasi Cynthia Moliga a'oga Samoa a le Fetuao i Hawai'i

HONOLULU — 'Ia tofua gogo ma si ana i'a. O upu ma manatunatuga ia o le A'oga a le Fetuao Samoan Language Center i Hawai'i ina ua maua le avanoa fa'a'auro e feiloa'i ai ma le faletua o le kovana, o Cynthia Moliga ma se tasi o tina o Le'iataua Leuga Turner. E to'atele aiga ma fanau o le A'oga Samoa a Hawai'i sa 'auai i le aso To'ona'i, Mati 28 sa asiasi atu ai le faletua o Cynthia.

Sa saunua le masiofo o le Kovana a Amerika Samoa ma fa'alauiloa o ia o se tasi o tama fanau a Amerika Samoa sa ola ma fanau i Hawai'i.

O lona aiga o ni isi aiga Samoa muamua lava sa to'ai taunu'u mai i Hawai'i ma fa'amautu ai i le tausaga 1940.

Sa fa'alauiloa e le faletua lona agaga fa'afetai i matua ona o le fa'atauaina o le a'oa'oina o le gagana Samoa a o aumau i atunu'u i fafo o Samoa. O lona taua aua na te molimau i lona ola ma lona tuputupu a'e i laufanua o Hawai'i e vave na galo ma mou atu le gagana Samoa. Sa fa'afetai ma fa'amalo le masiofo o le Kovana sili i ta'ita'i, matua, ma faia'oga, i le galulue punoua'i mo le a'oa'oina o fanau i le gagana, o le measina a le atunu'u. Sa fa'asoa Cynthia Moliga o se taimi muamua lenei ua o'o mai ai i le galuega ma o le fa'amoemoe e toe asia mai e la'ua ma le susuga i le Kovana Sili le A'oga Samoa i ni aso o i luma.

Fa'amalo ma fa'afetai i le sui ta'ita'i o le ofisa a Amerika Samoa i Hawai'i, Bonnelley Liu Pa'u'ulu mo le tu'ufa'atasia o lenei asiasiga taua mo le lautele.

Ua fa'atuina se tasi o lala o le a'oga Samoa i Hawai'i i Waianae. Ua ta'ua lea o le "FESILAFAT".

Ua ta'ita'ina le a'oga Samoa e le susuga i le failautusi o le Sinoti Ekalesia Metotisi Samoa i Hawai'i, le fa'afeagaiga ia Pesi Vitale ma le faletua ia Fa'amatala Vitale.

O le fa'amoemoe o ta'ita'i o le Fetuao i Hawai'i, ina ia susulu atu 'ave o le Fetuao, e fa'alauiloa atu le taua o le a'oa'oina o le gagana a Samoa e le gata i Hawai'i ae maise so'o se atunu'u i fafo. O le galuega o le a'oa'oina o le gagana Samoa ia so'otau'au ma lotu ina ia fa'atauaina ma galue'ina i so'o se alalafaga e aumau ai tagata Samoa i atunu'u i fafo.

Ua silia nei ma le selau i latou o lo'o i le lisi fa'atalitali a le Fetuao. E molimauina ai le galala o tagata ma aiga o lo'o fia maua le tomai o le gagana ae maise le aganau'u Samoa i Hawai'i.


Fa'afetai i le Kovana ia Lolo Moliga ma le faletua ia Cynthia Moliga aua fo'i le fa'atauaina o le galuega a le Fetuao i Hawai'i ua mafai ona feso'ota'i ai tagatanu'u o Samoa, matua ae maise fanau o lo'o papaa'ao i atunu'u i fafo. E pei o 'upu a le atunu'u, "E lele le toloa ae ma'au i le vai."

O fea lava e nofo ai le tagata Samoa, e momo'o lava lona loto ia Samoa.

O pelega o le fatu ma le loto o tagatanu'u o Samoa, ia fa'atau ana measina, o lana gagana ma lana aganau'u.

O le A'oga Samoa a le Fetuao i Salt Lake, Hawaii sa fa'avaeina ma ta'ita'ia e le susuga ia Elisapeta Tuupo Alaimaleata i le tausaga 2008. O lo'o ta'ita'ia ma fesoasoani malosi ai le polofesa o Fepulea'i Lasei Dr. John Mayer i le luni-vesite o Hawai'i, Manoa. Mo feso'ota'iga ma se malamalama'aga lautele, ia vala'au Alice Malepeai Silbanuz, se tasi o ta'ita'i i le imeli admin@lefetua.com po'o le telefoni 808-333-6410. O le upega tafailagi po'o le website, www.lefetua.com ma le facebook www.facebook.com/lefetua.

(Mai le fa'atonu: Talu ai ona o tulaga o masini e lomua ai le nusipepa, o le mafuaga lea ua ave'eseina ai e le Samoa News, fa'amamafa i nisi o upu tusia mai i lenei pepa o fa'amatalaga mai le Fetuao.)



fa'aliliu af

## FA'AMAONIA MOLIAGA O LE FA'APA POMU

O le taeao ananafi na fa'alauiloa aloaia ai e le Vaega Iloilo Iuga sa gafa ma le iloiloa o se fa'aiuga fa'asaga ia Dzokahar Tsarnaev, le nofosala o lenei ali'i talavou e 21 tausaga le matua, i moliaga e 30 sa tu'uaia ai o ia e le malo feterale, e mafua mai i le fa'alavelave lea na la tu'i pomu ai ma lona uso matua le nofoaga e tini i ai se tamoeaga sa faia i Boston, le "Boston Marathon" i le aso 15 Aperila 2013. I ni ripoti mai vaega fa'asalalau i Amerika ua taua ai e fa'apea, o fa'asalaga e ono mafai ona fa'asla ai lenei ali'i, o le solo atoa i le falepuipui, po o le fa'asala fo'i i le oti. E fa'avae le matua o le fa'asalaga e mafai ona fa'asala ai o ia e le fa'amasinoga, i le matua ma le ogaoga o le gaoiga sa ia faia. O ni ata sa ta pu'e i le taimi na tula'i mai ai le fa'alavelave, e aofia ai tagata manunu'a, atoa ai ma ata sa ta pu'e i le taimi na mae'a ai le fa'alavelave, e pei o ata o vaega o le auala sa to'a solo ai toto o tagata na maliliu ma manunu'a, o ni isi ia o mau fa'amaonia sa iloilo e ali'i ma tama'ita'i iloilo iuga, i le taimi sa latou iloiloa ai se fa'aiuga mo Tsarnaev. E silia laititi lava i le 11 itula le umi na iloilo ai e ali'i ma tama'ita'i fa'amasino la latou fa'aiuga, ae latou fa'ai'uina loa e nofosala lenei ali'i i moliaga uma e 30.

## TO'A 20 MALILIU INA UA TAFANA E LEOLEO LE AU FA'ATAU MARIJUANA

DELHI, INITIA - E to'a 20 ni tagata na maliliu i Initia i totonu o le laumua o Delhi i le vaiaso nei, ina ua tafana e leoleo se vaega na masalomia lo latou fa'atauina atu o fualaa faasaina o le mariuana i le atunu'u. O le tula'i mai ai o lenei fa'alavelave mata'utia, ua talosagaina ai loa e le Fa'alapotopotoga e Puipuia Aia tatau o Tagata i le lalolagi, le tatau lea ona faia se susesuga e fa'ataui i lenei mataupu, ma iloilo pe talafeagai le gaoiga ua faia e leoleo. Fai mai le ta'ita'i o le Vaega lea, "e le sili atu leoleo Initia i luga o le tulafono", peita'i na finau le Komesina o Leoleo a Initia e fa'apea, o le gaoiga sa faia e leoleo, "e le gata o lo'o talafeagai ma le tulafono, ae sa faia ina ia puipuia ai i latou mai faiga mata'utia a sui o le vaega ua maliliu nei, le vaega a le Red Sandalwood".

## FALEPUIPUI SE TASI O TA'ITA'I ILOGA O SAINA

NANJING, CHINA - E 15 tausaga lea ua fa'asala ai i le falepuipui se ali'i sa aveva ma ta'ita'i iloga o le atunu'u o Saina, ina ua fa'amaonia lona taliaina o tupe sa totogi fa'aalata e fa'atino ai solitulafono eseese, lea e aofia ai ma le tulei ina atu o fualaa faasaina i itu eseese o le atunu'u, atoa ai ma le fasiotia o tama'ita'i ma fafine pe a mae'a ona fa'aaoga i feusuaiga (tulou). O le ali'i o Ji Jianye, o se tasi sa aveva ma sui o le Palemene a Saina mo le tele o tausaga, lea fo'i sa aveva ma Pulenu'u o le aai o Nanjing i le taimi na tula'i mai ai le fa'alavelave, ua ta'usala i lona taliaina o se vaega tupe e silia i le \$11.3 miliona tupe Saina. O lenei ali'i, sa lauiloa i lona igoa tau valaau o "Bulldozer", e mafua mai lea i le mata'utia o gaoiga sa ia faia, peita'i o le taimi nei, ua taofia o ia i le falepuipui mo le 15 tausaga.

## TU'UAIA SE LEOLEO FITI FA'AMALOSIA O SE TEINEITITI AOGA

SUVA, FIJI - Ua taofia nei i le falepuipui i Lautoka se ali'i leoleo Sinia a le malo o Fiti, ina ua masalomia lona a'afia i le fa'alavelave lea na fa'amalosia ai se teineititi aoga e talavou i lalo o le tulafono. O le ali'i leoleo ua taofia nei i le falepuipui, e sau mai le nu'u o Navua, ma ua silia i le 20 tausaga o lana auunaga i le malo o Fiti. O se molimau sa ia vaai toto'a i le taimi na tupu ai le fa'alavelave, sa ia fa'afesoota'iina le ofisa o leoleo, atoa ai ma lona pu'eina o se ata o le vaega sa fa'atino ai le solitulafono i lana telefoni feavea'i.

**In The High Court  
of American Samoa  
FAMILY, DRUG & ALCOHOL COURT DIVISION**  
FDA/JR No. 03-15  
IN RE: A MINOR CHILD  
**NOTICE/FAALIGA**

**TO: Mr. TAMIANO** (unknown last name)  
Kokoland-Tafuna Village  
Pago Pago, American Samoa 96799

NOTICE IS HEREBY GIVEN to the above-named respondent that a petition has been filed before the High Court of American Samoa to terminate your parental rights in a male child born on October 22, 2012 at LBJ Tropical Medical Center, Fagaalu, American Samoa. A hearing will be held after two months and ten days from the date of the first publication of this notice, in which the Court may enter an order that you have not acquired any parental rights to the minor child and place the child for adoption. If you have any objection, or wish to claim or assert your parental rights, you must appear within two months and ten days from the date of the first publication of this notice and file an objection or a claim with the Court.

O LE FA'AALIGA E TUJINA ATU ia te oe, le ua ta'ua i luga, ua iai le talosaga ua failaina i le Fa'amasinoga Maualuga o Amerika Samoa e iloilo ai ou aia fa'a-matua i se tamaitiiti na fanau o ia i le aso 22 o Oketopa, 2012, i le Falemai i Fagaalu, Amerika Samoa. O lea iloiloaga e faia pe a tuana'i le lua masina ma aso e sefulu mai le aso o le ulua'i faasalalaga o lenei fa'aaliga, ma e ono tuuina atu ai se poloaiga a le Fa'amasinoga e fa'a'iloa ai ua leai ni ou aia fa'a-matua i lea teineititi. Afai e te tete'e, pe e te finagalo e faamaonia ou aia fa'a-matua, ia e failaina se talosaga tete'e i le Fa'amasinoga i totonu o le lua masina ma aso e sefulu mai le ulua'i faasalalaga o lenei fa'aaliga.

**Dated/Aso: March 18, 2015**

Clerk of Courts

Published 4/09, 4/16